



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLIV. Confirmatio Decreti Congregationis de Propaganda fide super
tumulatione cadaverum Missionariorum Regularium in Infidelium partibus
existen.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

1735.
Transumptis
danda fides.

§. 5. Volumus autem, ut earumdem literarum transumptis, seu exemplis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique habeatur, quæ præsentibus ipsis haberetur, si forent exhibitæ vel offensæ.

Dat. die 9.
Aprilis 1735.
An. V.

Datum Romæ apud S. Mariam Majorem sub Annulo Piscatoris die 9. Apr. 1735. Anno V.
F. Card. Oliverius.

CLIV.

Confirmatio Decreti Congregationis de Propaganda fide super tumulatione Cadaverum Missionariorum Regularium in Infidelium partibus exilient.

CLEMENS PP. XII.

Ad futuram rei memoriam.

Decretum
Congrega-
tionis de P.
F. super tu-
mulatione
Cadaverum
Missionario-
rum.

§. 1. **N**uper a Congregatione Ven. fratrum nostrorum S. R. E. Cardinalium negotiis Propagandæ fidei præpositorum super tumulatione Cadaverum Missionariorum Ordinum Regularium in partibus Syriæ, & Palestinæ emanavit Decretum tenoris, qui sequitur, videlicet: Decretum Sacre Congregationis generalis de Propaganda fide habita die 7. Febr. 1735. referente Eminentissimo, & Reverendissimo Domino, Domino Cardinali Petra Præfecto; Sacra Congregatio ad tollenda jurgia, & dissensiones, quæ non raro oriri solent in partibus Syriæ, & Palestinæ occasione tumulationis Cadaverum Missionariorum Ordinum Regularium confirmavit, & renovavit Decreta super hujusmodi re alias edita, & præsertim anno 1692. Itemque confirmata anno 1702. -- Per quæ sancitum fuit, quod deferatur private Cadaver a propriis Religiosis -- In Cimiterio autem tantum adesse debeat Parochus cum Stola, & Cruce, & dicat Orationes juxta formam præscriptam in Rituali, permittendo postea ut reliquæ orationes dicantur a Superiore Religionis, & per ipsum, ac suos Religiosos dari sepulturam. Præsens autem Decretum renovatorum prædictorum Decretorum eadem Sacra Congregatio præcepit notificari Superioribus Generalibus eorum Ordinum etiam Societatis Jesu, quorum Religiosi Missionariorum munus in antedictis partibus obeunt, ut ab omnibus, & quibuscumque suis respectivè subditis illud omnino, & inviolabiliter observari curent. Datum Romæ ex ædibus ejusdem Sacre Congregationis die 19. Martii 1735. -- V. Card. Petra Præfectus Ph. de Montibus Sec. Loco & Sigilli.

Hujusmodi
Decretum a
Pontifice confir-
matum.

§. 2. Cum autem, sicut dilectus filius Cherubinus de Noves Frater expresse professus Ordinis Minorum S. Francisci Capuccinorum nuncupatorum in Romana Curia Missionariorum Gallorum ejusdem Ordinis in Infidelium partibus existentium Procurator nobis subinde exponi fecit, ipse Decretum hujusmodi, quo firmiter subsistat Apostolicæ Confirmationis nostræ patrocinio communiri plurimum desideret. Nos specialem ipsi Cherubino gratiam facere volentes, eumque a quibuscumque excommunicationis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate prædictæ Congregationis Cardinalium.

§. 3. Decernentes easdem præsentēs literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit, inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstant, Constitutionibus, & Ordinationibus Apostolicis, ac quatenus opus sit quorumcumque ordinum, & aliis quibuscumque, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro expressis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 13. Aprilis 1735. Pont. nostri anno V.

F. Card. Oliverius.

1735.
Præsentium
literarum fir-
mitas.Obstantium
derogatio.Dat. die 13.
Aprilis 1735.
An. V.

Confirmatio Brevis Urbani VIII. super declaratione quod Ordo Fratrum Minorum S. Francisci Capuccinorum per rectam lineam sine intermissione descendit a linea S. Francisci.

CLV.

CLEMENS PP. XII.

Ad futuram rei memoriam.

§. 1. **E**A, quæ a Romanis Pontificibus Prædecessoribus nostris pro Religiosa Christiani fidelium divinis obsequiis sub suavi Religionis iugo mancipatorum quiete provide facta, & declarata fuisse noscuntur, ut solidiori robore persistant, Apostolici muniminis præsidio, cum id a nobis petitur, libenter constabilius.

Exordium.

§. 2. Dudum siquidem fel. rec. Urbanus PP. VIII. Prædecessor noster Fratres Ordinis Minorum S. Francisci Capuccinorum nuncupatorum fuisse, & esse ex vera, & nunquam interrupta linea, ac veros, & indubitatos Fratres dicti Ordinis S. Francisci, & illius Regulæ Observatores, sub quo ipsius S. Francisci Regula militasse, & militare decrevit, & declaravit, & alias prout uberius continetur in dicti Urbani Prædecessoris literis desuper in simili forma Brevis expeditis, tenoris, qui sequitur, videlicet: Urbanus PP. VIII. Ad perpetuam rei memoriam. Salvatoris, & Domini Nostri &c. Cetera legere est suo loco. Tom. IV. Const. LXVIII. pag. 133. Edit. Luxemb.

Urbanus
Oclavus de-
claravit Fra-
tres Ordinis
Capuccino-
rum veros
esse Fratres
Ordinis S.
Francisci.

§. 3. Cum autem sicut dilectus filius Bonaventura a Ferrara Minister Generalis ejusdem Ordinis Nobis nuper exponi fecit, ipse præmissa quo firmiter subsistat, & inviolabiliter serventur, Apostolicæ Confirmationis nostræ patrocinio communiri summopere desideret. Nos specialem ipsi Bonaventuræ Ministro Generali gratiam facere volentes, eumque a quibuscumque Excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, præinsertas Urbani Prædecessoris literas, omniaque in eis contenta,

Urbani lite-
ras confirmat
Clemens.

dicta